



AN COIMISIÚN
EORPACH

An Bhruiséil, 18.11.2015
COM(2015) 496 final

ANNEXES 1 to 2

IARSCRÍBHINNÍ

**a ghabhann leis an
Togra le haghaidh**

**RIALACHÁN Ó PHARLAIMINT NA hEORPA AGUS ÓN gCOMHAIRLE
maidir le staidreamh Eorpach i ndáil le praghsanna gáis nádúrtha agus leictreachais
agus lena n-aisghairtear Treoir 2008/92/CE ó Pharlaimint na hEorpa agus ón
gComhairle maidir le nós imeachta Comhphobail chun trédhearcacht praghsanna gáis
agus leictreachais a ghearrtar ar an úsáideoir deiridh tionsclaíoch a fheabhsú**

IARSCRÍBHINNÍ

IARSCRÍBHINN I — PRAGHSANNA GÁIS NÁDÚRTHA

Leagtar amach san Iarscríbhinn seo an mhodheolaíocht chun sonraí staidrimh i dtaobh praghsanna gáis nádúrtha do chustaiméirí teaghlaigh agus neamhtheaghlaigh a bhailiú agus a thiomsú.

1. Praghsanna

Is iad na praghsanna atá le tuairisciú na praghsanna a ghearrtar ar chustaiméirí deiridh teaghlaigh agus neamhtheaghlaigh a cheannaíonn gás nádúrtha chun a n-úsáide féin, ar gás é a scaiptear tríd na príomhghréisín.

2. Gás nádúrtha

Is éard is gás nádúrtha ann gás nádúrtha agus breoslaí gásacha eile, amhail bithghás, a mheasctar le gás nádúrtha sa ghréisín tarchuir agus dáileacháin. Ní áirítear breoslaí gásacha eile a scaiptear trí ghréisín atá tiomnaithe dó sin gan iad a mheascadh le gás nádúrtha (e.g. gás oibreacha gáis, gás soirn cóic, gás fornéise soinneáin agus bithghás).

3. Aonaid tuairiscithe

Ní foláir sonraí gach uile custaiméara deiridh teaghlaigh agus neamhtheaghlaigh a úsáideann gás nádúrtha a áireamh, ach ní áirítear custaiméirí nach n-úsáideann gás ach chun na gcríoch seo:

- giniúint leictreachais i stáisiún cumhachta nó i stáisiún cumhachta agus teasa in éineacht; nó
- chun críoch neamhfhuinnimh (e.g. lena úsáid i dtionscal na gceimiceán).

4. Aonaid tomhais

Is iad na praghsanna atá le tuairisciú na meánphraghsanna náisiúnta a ghearrtar ar chustaiméirí deiridh neamhtheaghlaigh.

Sloinntear praghsanna san airgeadra náisiúnta in aghaidh an ghigigiúil (GJ). Tomhaistear an t-aonad fuinnimh atá le húsáid ar bhonn an oll-luacha chailraigh (GCV).

Déantar praghsanna a ualú de réir an sciar den mhargadh atá ag gnóthais soláthair gáis nádúrtha i ngach banda tomhaltais. Mura bhfuil sé indéanta na meánphraghsanna ualaithe a ríomh, is féidir meánphraghsanna uimhríochtúla a sholáthar. Sa dá chás, áfach, caithfear sciar ionadaíoch den mhargadh náisiúnta a chumhdach sna sonraí.

5. Bandaí tomhaltais

Ní foláir na praghsanna atá le tuairisciú a bhunú ar chóras de bhandáí tomhaltais chaighdeánacha bhliantúla le haghaidh gáis nádúrtha.

(a) I gcás custaiméirí teaghlaigh, cuirtear na bandáí seo thíos i bhfeidhm:

Banda tomhaltais	Tomhaltas bliantúil gáis nádúrtha (GJ)	
	Íosmhéid	Uasmhéid
Banda D1		< 20

Banda D2	≥ 20	< 200
Banda D3	≥ 200	

(b) I gcás custaiméirí deiridh neamhtheaghlaigh, cuirtear na bandaí seo thíos i bhfeidhm:

Banda tomhaltais	Tomhaltas bliantúil gáis nádúrtha (GJ)	
	Íosmhéid	Uasmhéid
Banda I1		$< 1\,000$
Banda I2	$\geq 1\,000$	$< 10\,000$
Banda I3	$\geq 10\,000$	$< 100\,000$
Banda I4	$\geq 100\,000$	$< 1\,000\,000$
Banda I5	$\geq 1\,000\,000$	$< 4\,000\,000$
Banda I6	$\geq 4\,000\,000$	

6. Leibhéal an mhionsonraithe

Áireofar sna praghsanna i dtrácht na táillí ar fad a bheidh le híoc: táillí gréasáin móide an fuinneamh a ídítear, lúide aon lacáistí nó préimheanna, móide aon táillí eile (e.g. táillí cíosa do mhéadair, táillí seasta). Níl táillí ceangail tosaigh le cur san áireamh.

Ní foláir sonraí mionsonraithe a sholáthar mar a luaitear thíos.

(a) *Leibhéal an mhionsonraithe is gá do chomhpháirteanna agus fo-chomhpháirteanna*

Tá na praghsanna a chuirtear ar fáil le foroinnt i **dtrí phríomh-chomhpháirt** agus i bhfo-chomhpháirteanna ar leithligh.

Is é an praghas don chustaiméir deiridh le haghaidh gás nádúrtha, de réir an bhanda tomhaltais, suim na **dtrí phríomh-chomhpháirt**: comhpháirt an fhuinnimh agus an tsoláthair, comhpháirt an ghréasáin (tarchur agus dáileadh) agus comhpháirt na gcánacha, na dtobhach, na dtáillí agus na muirear.

Comhpháirt agus <i>Fo-chomhpháirt</i>	Tuairisc
Fuinneamh agus soláthar	Ní foláir a áireamh sa chomhpháirt seo an praghas tráchtearraí a íocann an soláthróir ar ghás nádúrtha nó praghas gáis nádúrtha ag an bpointe a thagann sé isteach sa chóras tarchuir lena n-áirítear, más infheidhme, costais stórais móide costais a bhaineann le gás nádúrtha a dhíol le custaiméirí deiridh.
gréasán	Ní foláir na costais seo a leanas a áireamh sa phraghas gréasáin: taraifí tarchuir agus dáileacháin, caillteanais tarchuir agus dáileacháin, costais gréasán, costais seirbhíse iardhíola, costais seirbhíse córas agus costais

	cíos le haghaidh méadar agus méadrú.
<i>Fo-chomhpháirt</i>	Ní foláir comhpháirt an ghréasáin a fhoroinnt idir costais tarchuir agus costais dáileacháin gréasáin, mar seo a leanas: 1. Meánsciar uilíoch choibhneasta na gcostas tarchuir (arna sloinneadh mar chéatadán de na costais iomlána gréasáin ar bhonn na mbandaí tomhaltais atá sainithe i bpointe 5). 2. Meánsciar uilíoch choibhneasta na gcostas dáileacháin (arna sloinneadh mar chéatadán de na costais iomlána gréasáin ar bhonn na mbandaí tomhaltais atá sainithe i bpointe 5).
cánacha, táillí, tobhaigh agus muirir	Is ionann an chomhpháirt seo agus suim na bhfo-chomhpháirteanna (cánacha, táillí, tobhaigh agus muirir) ar fad atá liostaithe thíos.
<i>Fo-chomhpháirteanna</i>	Ní foláir na fo-chomhpháirteanna seo a leanas a thuairisciú mar ítimí aonair i gcás gach banda tomhaltais atá sainithe i bpointe 5. 1. Cáin bhreisluacha mar atá sainithe i dTreoir 2006/112/CE ón gComhairle¹, maidir leis an gcóras comhchoiteann cánach breisluacha. 2. Cánacha, táillí, tobhaigh nó muirir a bhaineann le foinsí in-athnuaite fuinnimh, éifeachtúlacht fuinnimh agus giniúint cumhachta agus teasa in éineacht a chur chun cinn. 3. Cánacha, táillí, tobhaigh nó muirir a bhaineann le stoc-chairn straitéiseacha, íocaíochtaí inniúlachta agus slándáil fuinnimh; cánacha ar dháileadh gáis; costas tréigthe agus tobhaigh ar údarais rialála fuinnimh nó ar oibreoirí margaidh a mhaoiniú. 4. Cánacha, táillí, tobhaigh nó muirir a bhaineann le cáilíocht aeir agus leis an gcomhshaol; cánacha ar astaíochtaí CO₂ nó gáis cheaptha teasa eile. 5. Na cánacha, táillí, tobhaigh nó muirir uile nach gcuimhdítear faoi aon cheann de na ceithre chatagóir a luadh roimhe seo: tacaíocht do théamh ceantair; táillí fioscacha áitiúla nó réigiúnacha; cúiteamh oileáin; táillí lamháltais a bhaineann le ceadúnais agus táillí i gcás gréasán nó gléasraí eile a chur isteach ar thalamh nó ar mhaoín phoiblí nó phríobháideach.

(b) *Leibhéal an mhionsonraithe ar bhonn cánachais*

Déantar na sonraí i dtaobh praghsanna a mhiondealú ina **dtrí leibhéal**:

Leibhéal	Tuairisc
praghsanna gan chánacha, táillí, tobhaigh agus muirir a áireamh	Ar an leibhéal praghsanna seo níl ach comhpháirt an fhuinnimh agus an tsoláthair agus comhpháirt an ghréasáin san áireamh.
praghsanna gan cáin bhreisluacha (CBL) agus cánacha eile in-aisghabhála a áireamh	Ar an leibhéal praghsanna seo tá comhpháirt an fhuinnimh agus an tsoláthair, comhpháirt an ghréasáin agus na cánacha, táillí, tobhaigh agus muirir a mheastar atá in-aisghabhála i gcás custaiméirí deiridh neamhtheaghlaigh san áireamh. I gcás custaiméirí teaghlaigh, ar an leibhéal

¹ Treoir 2006/112/CE ón gComhairle an 28 Samhain 2006 maidir leis an gcóras comhchoiteann cánach breisluacha (IO L 347/1, 1.11.12, 2006 lch 1).

	prahsanna seo tá comhpháirteanna an fhuinnimh agus an ghréasáin, agus cánacha, táillí, tobhaigh agus muirir san áireamh, ach níl CBL.
prahsanna agus gach cineál cánach san áireamh	Ar an leibhéal prahsanna seo tá comhpháirt an fhuinnimh agus an tsoláthair, comhpháirt an ghréasáin, agus na cánacha, táillí, tobhaigh agus muirir uile atá in-aisghabhála san áireamh.

7. Méideanna tomhaltais

Ní foláir do na Ballstáit faisnéis a tharchur faoin sciar choibhneasta de ghás nádúrtha atá i ngach banda tomhaltais ar bhonn na méide iomláine dá dtagraíonn na prahsanna.

Tuairiscítear na méideanna tomhaltais bliantúla do gach banda tomhaltais uair amháin in aghaidh na bliana ag an am céanna de réir mar a thuairiscítear na sonraí i dtaobh prahsanna don dara seimeastar.

Ní bheidh na sonraí níos sine ná dhá bhliain.

IARSCRÍBHINN II — PRAGHSANNA LEICTREACHAIS

Leagtar amach san Iarscríbhinn seo an mhodheolaíocht chun sonraí staidrimh i dtaobh praghsanna leictreachais do chustaiméirí teaghlaigh agus neamhtheaghlaigh a bhailiú agus a thiomsú.

1. Praghsanna

Is iad na praghsanna atá le tuairisciú na praghsanna a ghearrtar ar chustaiméirí deiridh teaghlaigh agus neamhtheaghlaigh a cheannaíonn leictreachas chun a n-úsáide féin.

2. Aonaid tuairiscithe

Ní foláir sonraí gach uile custaiméara deiridh teaghlaigh agus neamhtheaghlaigh a úsáideann leictreachas a áireamh, ach ní airítear leictreachas a ghineann agus a ídíonn uath-tháirgeoirí sa cheanglas tuairiscithe.

3. Aonaid tomhais

Is iad na praghsanna atá le tuairisciú na meánphraghsanna náisiúnta a ghearrtar ar chustaiméirí deiridh neamhtheaghlaigh.

Sloinntear praghsanna san airgeadra náisiúnta in aghaidh na cileavatuire (kWh).

Déantar praghsanna a ualú de réir an sciar den mhargadh atá ag ghnóthais soláthair leictreachais i ngach banda tomhaltais. Mura bhfuil sé indéanta na meánphraghsanna ualaithe a ríomh, is féidir meánphraghsanna uimhríochtúla a sholáthar. Sa dá chás, áfach, caithfear sciar ionadaíoch den mhargadh náisiúnta a chumhdach sna sonraí.

4. Bandaí tomhaltais

Ní foláir na praghsanna atá le tuairisciú a bhunú ar chóras de bhandáí tomhaltais chaighdeánacha bhliantúla le haghaidh leictreachais.

(a) I gcás custaiméirí teaghlaigh, cuirtear na bandáí seo thíos i bhfeidhm:

Banda tomhaltais	Tomhaltas bliantúil leictreachais (kWh)	
	Íosmhéid	Uasmhéid
Banda DA		<1 000
Banda DB	≥1 000	<2 500
Banda DC	≥2 500	<5 000
Banda DD	≥5 000	<15 000
Banda DE	≥15 000	

(b) I gcás custaiméirí deiridh neamhtheaghlaigh, cuirtear na bandáí seo thíos i bhfeidhm:

Banda tomhaltais	Tomhaltas bliantúil leictreachais (MWh)
------------------	---

	Íosmhéid	Uasmhéid
Banda IA		<20
Banda IB	≥20	<500
Banda IC	≥500	<2 000
Banda ID	≥2 000	<20 000
Banda IE	≥20 000	<70 000
Banda IF	≥70 000	<150 000
Banda IG	≥150 000	

5. Leibhéal an mhionsonraithe

Áireofar sna praghsanna i dtrácht na táillí ar fad a bheidh le híoc: táillí gréasáin móide an fuinneamh a ídítear, lúide aon lacáistí nó préimheanna, móide táillí eile (e.g. táillí cíosa do mhéadair, táillí seasta). Níl táillí ceangail tosaigh le cur san áireamh.

Soláthraítear sonraí mionsonraithe mar a luaitear thíos.

(a) *Leibhéal an mhionsonraithe is gá do chomhpháirteanna agus fo-chomhpháirteanna*

Tá na praghsanna a chuirtear ar fáil le foroinnt i **dtrí phríomh-chomhpháirt** agus i bhfo-chomhpháirteanna ar leithligh.

Is é an praghas don chustaiméir deiridh le haghaidh leictreachais, de réir an bhanda tomhaltais, suim na **dtrí phríomh-chomhpháirt**: comhpháirt an fhuinnimh agus an tsoláthair, comhpháirt an ghréasáin (tarchur agus dáileadh) agus comhpháirt na gcánacha, na dtobhach, na dtáillí agus na muirear.

Comhpháirt agus <i>Fo-chomhpháirt</i>	Tuairisc
fuinneamh agus soláthar	Ní foláir na costais seo a leanas a áireamh sa chomhpháirt seo: giniúint, comhiomlánú, fuinneamh cothromaithe, costais fuinnimh arna soláthar, seirbhísí custaiméara, bainistiú iardhíola agus costais soláthair eile.
gréasán	Ní foláir na costais seo a leanas a áireamh sa phraghas gréasáin: taraifí tarchuir agus dáileacháin, caillteanais tarchuir agus dáileacháin, costais gréasán, costais seirbhísí iardhíola, costais seirbhíse córas agus costais cíosa le haghaidh méadar agus méadrú.
<i>Fo-chomhpháirt</i>	Ní foláir comhpháirt an ghréasáin a fhoroinnt idir costais tarchuir agus costais dáileacháin gréasáin, mar seo a leanas:
	1. Meánsciar uilíoch choibhneasta na gcostas tarchur (arna sloinneadh mar chéatadán de na costais iomlána gréasáin ar bhonn na mbandaí tomhaltais atá sainithe i bpointe 4).

	2. Meánsciar uilíoch choibhneasta na gcostas dáileacháin (arna sloinneadh mar chéatadán de na costais iomlána gréasáin ar bhonn na mbandaí tomhaltais atá sainithe i bpointe 4).
cánacha, táillí, tobhaigh agus muirir	Is ionann an chomhpháirt seo agus suimna bhfo-chomhpháirteanna – mar atá cánacha, táillí, tobhaigh agus muirir – ar fad atá liostaithe thíos.
<i>Fo-chomhpháirt</i>	Ní foláir na fo-chomhpháirteanna seo a leanas a thuairisciú mar ítimí aonair i gcás gach banda tomhaltais atá sainithe i bpointe 4.
	1. Cáin bhreisluacha mar atá sainithe i dTreoir 2006/112/CE ón gComhairle maidir leis an gcóras comhchoiteann cánach breisluacha.
	2. Cánacha, táillí, tobhaigh nó muirir a bhaineann le foinsí in-athnuaite fuinnimh, éifeachtúlacht fuinnimh agus giniúint cumhachta agus teasa in éineacht a chur chun cinn.
	3. Cánacha, táillí, tobhaigh nó muirir a bhaineann le híocaíochtaí inniúlachta, slándáil fuinnimh agus cumas leordhóthanach giniúna; cánacha ar athstruchtúrú thionscal an ghuaile cánacha ar dháileadh leictreachais; costas tréigthe agus tobhaigh ar údarais rialála fuinnimh nó ar oibreoirí margaidh a mhaoiniú.
	4. Cánacha, táillí, tobhaigh nó muirir a bhaineann le cáilíocht aeir nó a ghearrtar chun críocha an chomhshaoil, nó a bhaineann le CO ₂ nó cánacha eile ar astaíochtaí gáis ceaptha teasa.
	5. Cánacha, táillí, tobhaigh nó muirir a bhaineann leis an earnáil núicléach, lena n-áirítear díchoimisiúnú núicléach, cigireachtaí agus táillí ar shuiteálacha núicléacha.
	6. Na cánacha, táillí, tobhaigh nó muirir uile nach gcumhdaítear faoi aon cheann de na cúig chatagóir a luadh roimhe seo: tacaíocht do théamh ceantair; táillí fíoscacha áitiúla nó réigiúnacha; cúiteamh oileáin; táillí lamháltais a bhaineann le ceadúnais agus táillí i gcás gréasán nó gléasraí eile a chur isteach ar thalamh nó ar mhaoin phoiblí nó phríobháideach.

(b) *Leibhéal an mhionsonraithe ar bhonn cánachais*

Déantar na sonraí i dtaobh praghsanna a mhiondealú ina **dtrí leibhéal**:

Leibhéal	Tuairisc
praghsanna gan chánacha, táillí, tobhaigh agus muirir a áireamh	Ar an leibhéal praghsanna seo níl ach comhpháirt an fhuinnimh agus an tsoláthair agus comhpháirt an ghréasáin san áireamh.
praghsanna gan cáin bhreisluacha (CBL) agus cánacha eile in-aisghabhála a áireamh	Ar an leibhéal praghsanna seo tá comhpháirt an fhuinnimh agus an tsoláthair, comhpháirt an ghréasáin agus na cánacha, táillí, tobhaigh agus muirir a mheastar atá in-aisghabhála i gcás custaiméirí deiridh neamhtheaghlaigh san áireamh. I gcás custaiméirí teaghlaigh, ar an leibhéal praghsanna seo tá comhpháirteanna an fhuinnimh agus an ghréasáin, agus na cánacha, táillí, tobhaigh agus muirir san áireamh, ach níl CBL.
praghsanna agus gach cineál cánach san áireamh	Ar an leibhéal praghsanna seo tá comhpháirt an fhuinnimh agus an tsoláthair, comhpháirt an ghréasáin, agus na cánacha, táillí, tobhaigh agus muirir uile atá in-aisghabhála san áireamh.

6. Méideanna tomhaltais

Ní foláir do na Ballstáit faisnéis a tharchur faoin sciar choibhneasta de leictreachas atá i ngach banda tomhaltais ar bhonn na méide iomláine dá dtagraíonn na praghsanna.

Tuairiscítear na méideanna tomhaltais bliantúla do gach banda tomhaltais uair amháin in aghaidh na bliana ag an am céanna de réir mar a thuairiscítear na sonraí i dtaobh praghsanna don dara seimeastar.

Ní bheidh na sonraí níos sine ná dhá bhliain.